



督漕疏草

總督淮揚等處地方提督漕運海防軍務兼理糧餉兵部侍郎兼都察院右副都御史臣董誥



已巳集

題周彬失盜限滿無獲

題為欽奉

上諭事康熙二十八年四月二十日據江蘇按察司

按察使高承爵詳稱康熙二十七年六月十一

日奉署理總漕印務總河王部院牌內開康熙

二十七年五月二十五日准兵部咨職方清吏

司案呈奉本部送兵科抄出該本部彙題前事
內開一件爲欽奉

上諭事據原任總漕慕天顏疏稱原任巡檢周彬在
於山陽縣地方被盜一案一年限滿盜無一獲
將原叅各官

題叅前來應將耑汎把總李世芳應照例降一級
但把總無級可降相應革職留任再限一年緝
賊如不獲

題叅另處兼轄副將許壯猷應罰俸一年未獲盜
賊照案緝拿等因康熙二十七年四月二十一

日題本月二十三日奉

旨依議欽此欽遵抄部送司案呈到部移咨到部院
轉行到司又奉江寧撫院牌內開康熙二十七
年五月二十二日准兵部咨同前事備行到司
奉此隨移淮揚道並行淮安府轉行營縣遵照
限年緝賊屆期無獲將應叅武職各職名開列
報叅去後節經嚴催續據該府呈稱遵卽移行
營廳縣緝拿未獲賊犯去後催准漕標左營許
副將手本移稱行據中軍守備王吉士回稱隨
行專汎把總李世芳查報續據本官回稱卑職

於康熙二十五年蒙派板閘防護糧運於七月初九日山陽縣陸家莊地方離城八十里有分管河工原任巡檢周彬寓任彼處被盜劫河工銀兩一案逸盜未獲當蒙

題叅專汛照例任俸緝賊限滿未獲復蒙

題叅降一級緝賊但把總無級可降革職留任再限一年緝賊續於康熙二十八年二月十一日奉

皇恩

上諭凡因公註誤降級留任者實與

上諭開復之例相符今奉行查理合具文回報伏乞轉報等情到職轉報到府據此今據中軍守備王吉士行據專汛把總李世芳回報前情實與上諭開復之例相符今准前因相應移覆等情到府准此該本府知府單務孜查得巡檢周彬於康熙二十五年七月初九日夜在於山陽縣陸家莊地方被劫帑銀一案限年緝賊未獲已將武職各職名前經具詳

題叅在案續奉部文再限一年緝賊如不獲將武職各職名詳叅今此案一載盜無一獲查承緝

武職專汛係漕標左營原叅把總李世芳再限
一年緝賊無獲相應開列職名詳報今准該營
移稱與

上諭開復之例相符應否邀援伏候本司核詳
題復至兼轄漕標左營副將許壯猷已經罰俸一
年未獲盜賊照案緝拿合並聲明等情到司據
此該本司高按察使覆查得周彬原寓山陽縣
陸家莊地方被盜劫銀一案先經查取職名報
叅蒙兵部議覆應將專汛把總李世芳革職留
任再限一年緝賊如不獲

題叅另處兼轄副將許壯猷罰俸一年未獲盜賊
照案緝拿等因遵經行令督緝在案今滿一年
之限盜無弋獲將承緝武職原叅專汛把總革
職留任李世芳職名開列報叅並稱康熙二十
八年二月十一日奉

上諭凡因公註誤降級留任准與開復之例相符相
應詳候核

題其兼轄副將許壯猷業經罰俸似無容議等因
呈詳到臣該臣看得原任巡檢周彬在於山陽
縣陸家莊地方被劫一案一年限滿盜賊無獲

經前總漕臣慕天顏將原叅專汎兼轄各官具疏

題叅部覆將專汎把總李世芳照例降一級但把總無級可降相應革職留任再限一年緝賊如不獲

題叅另處兼轄副將許壯猷罰俸一年未獲盜賊照案緝拿等因欽遵轉行在案今據江蘇按察使高承爵詳稱再限一年之限已滿盜賊仍無弋獲原叅承緝專汎係漕標左營革職留任把總李世芳據稱康熙二十八年二月十一日奉

上諭凡因公註誤降級留任准與開復但應否邀援聽候部奪兼轄副將許壯猷係罰俸照案緝賊合並聲明既據該司呈詳前來臣謹會同江南江西總督臣傅臘塔江寧巡撫臣洪之傑江南提督臣楊捷合詞

題叅伏乞

勅部議覆施行康熙二十八年五月初二日
題

題革侵空丹陽縣十七等年漕項職銜

題爲亟請留漕以救淮徐億萬生靈事據江蘇按察使司按察使高承爵詳稱奉前任總漕慕部院牌開康熙二十六年十一月二十五日准戶部咨雲南清吏司案呈戶科抄出總漕慕天顏題前事康熙二十六年十月初四日題本月十九日奉

旨竇重光著議處具奏該部知道欽此欽遵於本月二十日抄出到部奉此查得先經原任總漕徐旭齡疏稱康熙十七年截留河工案內丹陽縣

應扣興武衛贈米五百石係胥役臧大良等虧
空於蠹役侵漕等事案內審追一年限滿無完
將丹陽縣知縣朱丕承

題叅本部將知縣朱丕承交與吏部查議那缺米
石行令作速追完去後今總漕慕天顏疏稱臧
大良等虧空米石丹陽縣查審漫無回覆則見
任知縣竇重光承審遲延難辭其咎相應

題叅等因前來應將知縣竇重光交與吏部議處
虧空米石應令速催審擬追完徑咨刑部又扣
完壽州衛贈米六百七十二石二斗八升零每

石少折銀四錢應令總漕速催增補報部可也
等因到部院准此除扣完贈米少折銀兩另行
蘇糧道增補外擬合就行仰司卽將臧大良等
虧空米石速行審擬追完詳報以憑徑咨刑部
等因又奉前部院牌開康熙二十六年十二月
十五日准吏部咨開考功清吏司案呈奉本部
送吏科抄出該本部覆戶部咨前事議得戶部
咨稱康熙十七年截留河工案內丹陽縣應扣
興武衛贈米係胥役臧大良等虧空於蠹役侵
漕等事案內審追今據總漕慕天顏疏稱臧大

良等虧空米石丹陽縣查審漫無回覆將知縣
竇重光

題叅應交與吏部議處等因前來逾限一月以上
丹陽縣知縣竇重光應照例罰俸一年康熙二
十六年十一月二十三日奉

旨依議欽此欽遵抄部送司相應移咨前去欽遵施
行等因到部院轉行到司遵行鎮江府確審去
後催據該府呈報臧大良等一案事關錢糧轉
發丹陽縣查審該縣一任嚴催玩不確審詳解
隨取該縣知縣竇重光玩悞職名詳司於康熙

二十七年七月二十八日轉詳前總漕馬部院
批允

題叅續奉前部院牌開康熙二十七年十月初五
日准戶部咨雲南清吏司案呈戶科抄出總漕
馬世濟題前事康熙二十七年七月三十日題
八月十八日奉

旨竇重光著議處具奏該部知道欽此欽遵查得總
漕馬世濟疏稱康熙十七年分截留河工案內
丹陽縣應扣興武衛贈米五百石係該縣胥役
臧大良等虧空於蠹役侵漕案內審追今一年

之限又滿仍無完報則承追遲延之丹陽縣知縣竇重光相應指叅等因前來應將丹陽縣知縣竇重光交與吏部議處米石速行追完報部可也爲此合咨前去查照施行等因移咨到部院備行仰司卽將康熙十七年分截留河工案內應扣興武衛贈米五百石速行追完詳報以憑咨覆等因到司奉此復經嚴催該府速提審追招解去後催至康熙二十七年十一月初十日據鎮江府知府王燕詳稱查得丹陽縣前任知縣吳之彥任內虧空康熙二十一年分減存

鎮倉米六百五十五石三斗零揚倉米七百九十八石七斗九升零京口兵米四百二十六石三升河工案內應扣興武衛贈米五百二十二石八斗六升六合共二千四百零二石九斗九升零據吳之彥申詳係收書臧大良李瑜林鼎鎡三犯侵欺據丹陽縣查審臧大良等供康熙二十一年漕糧米色青雜因篩颺折耗加貼旗丁及兵米貯倉霉爛以致虧折隨查漕糧官收官兌自應驗收乾圓好米何以交兌又加篩颺以致折耗加貼貯倉米石旣按季支放何以又

有耗折霉爛隨提一千官犯研加細鞫侵蝕確情據臧大良李瑜林鼎鉉咸供揚鎮倉等項米二千四百二石九斗九升零係吳之彥諭令折銀繳衙俟買米補解每石折銀五錢五分至奉提減存米石之彥將前收折米銀又指爲漕糧陋規不肯買米起解職府以臧大良等頓改前供恐有狡捏情弊覆加嚴訊堅供所折銀兩係家人張從善庫書吉星差役凌賢經手繳衙卽訊之吉星凌賢張從善供認繳銀原是有的當日原說折銀替他們解米的復提之彥面質而之彥一詞莫辯是之彥折米繳銀情真事實無疑自應按以監守自盜律追擬查吳之彥係降調之官應請轉詳

題叅革職究擬等情詳司隨該前司李按察使查得丹陽縣前任知縣吳之彥任內虧空康熙二十一年減存揚鎮等倉漕米二千四百二石九斗九升零前據該縣查審據收役臧大良等供因篩颺折耗加貼旗丁貯倉霉爛虧用節經批駁鎮江府嚴追實項茲據詳稱臧大良等堅供係吳之彥折銀入已訊之庫書吉星差役凌賢

家人張從善俱供認繳銀本司以事關錢糧重
案條爾更易初情恐有狡捏情弊復傳該府帶
領一千官役前來公同確勘據臧大良李瑜林
鼎鉉堅供康熙二十一年減存漕米果係吳之
彥諭令折銀繳衙研訊庫書吉星差役凌賢供
認彈兌折銀繳與之彥情詞不諱是吳之彥原
詳各役虧空揚鎮等倉米二千四百零二石九
斗九升零應於之彥名下究追今吳之彥堅不
承認查係降調之官未便嚴訊相應詳請本部
院俯賜

題叅將吳之彥照例革職以便嚴審追擬者也本
司未敢擅便等因具由於康熙二十七年十二
月二十二日呈詳前部院蒙批部文內開興武
衛贈米五百石今詳開五百二十二石八斗零
數目不符是何緣故仰再確查詳奪繳等因到
司蒙此該前司轉行鎮江府確查去後康熙二
十八年閏三月初八日蒙前部院牌爲外省革
職降級等事內開康熙二十八年三月初一日
准吏部咨考功清吏司案呈奉本部送准江寧
巡撫洪之傑咨稱丹陽縣降調知縣吳之彥奉

部催令歸旗因該員名下有經手二十一年漕
項減存米石於亟請留漕事案內質審因其案
內情節遊移事關重大見傳鎮江府赴省會審
較與他事不同除見在勒催鎮府速赴會審定
案外然非事結不催歸旗任其藉延者比爲此
合咨貴部請將吳之彥徑咨總漕部院作速審
題催令歸旗等因前來該撫旣稱吳之彥係總漕
於亟請留漕等事案內見在質審相應移咨總
漕速行審結卽將吳之彥嚴催回旗仍將起程
日期報部可也爲此合咨前去查照施行等因

到部院備行仰司卽將丹陽縣降調知縣吳之
彥亟請留漕事一案作速審結嚴催回旗仍將
審過緣由并起程日期具文詳報以憑咨覆又
蒙前部院批該前司呈詳吳之彥應俟侵欺漕
米一案審擬

題結歸旗因贈米數目不符致奉駁查見在勒催
該府確查緣由蒙批查吳之彥侵空漕米一案
當日鎮府審係侵欺謂三面質審之彥一詞無
展引擬監守自盜律請叅而該司看內乃率稱
之彥堅不承認是前項米石終無歸著成何定

案今該司並不嚴催審結止以見在勒催遊移
詳覆且奉

旨歸旗都統有查追之例豈敢遲回明係借端延挨
殊屬不合仰卽星速勒催查明詳報以憑核
題毋得遲延致干叅處繳等因到司蒙此遵行鎮
江府查明速詳去後催至閏三月二十七日據
該府知府王燕詳稱該職府卷查丹陽縣降調
知縣吳之彥名下原審詳侵空康熙二十一年
分揚鎮等倉本色米共二千四百二石九斗九
升九合九勺二抄六撮二圭五粟五顆八粒七

黍內鎮倉減存米六百五十五石三斗一升九
勺二抄六撮二圭五粟五顆八粒七黍揚倉減
存米七百九十八石七斗九升三合撥充京口
二十二年兵米四百二十六石三升興武衛扣
抵十七年河工五米五百石又存款未支五米
二十二石八斗六升六合今蒙前因查當日承
請留漕案內奉部追解者係興武衛扣抵河工
留漕五米五百石之數今多餘五米二十二石
八斗六升六合係原款未給之項相應據實詳
明仰祈本司俯賜核查轉達庶無遲悞之咎矣

等情到司據此該本司高按察使查得丹陽縣降調知縣吳之彥任內虧空康熙二十一年分揚鎮等倉本色米共二千四百二石九斗九升零前經司府審係之彥侵收入已具由詳請前院叅革究擬因侵空欸內有奉部文行追與武衛贈米五百石今詳開五百二十二石八斗零數目不符致奉院駁遵行鎮江府確查茲據詳稱當日奉部追解者係與武衛扣抵河工留漕五米五百石之數今多餘米二十二石八斗六升六合係原欸未給之項緣由詳覆前來相應

詳候院奪再查吳之彥侵空漕米前司與鎮府會審據經承庫書臧大良吉星等堅供係吳之彥折銀入已應於之彥名下究追及訊之彥狡不承認查係降調之官未便嚴訊定擬是以詳請前院

題叅革職究擬方可定案應候院奪

題叅部文到日審擬招詳

題允將吳之彥侵欠米石遵例解部歸旗查追合並聲明等因呈詳到臣該臣看得丹陽縣康熙十七年分截留河工案內應扣與武衛贈米五

百石一年限滿無完經前漕臣馬世濟將知縣
竇重光

題叅部覆米石速行追完報部在案遵卽檄行江
蘇按察司遵照去後經臣莅任接管又經行催
今據該司按察使高承爵詳稱吳之彥侵空康
熙二十一年揚鎮等倉並與武衛扣抵康熙十
七年河工五米共二千四百二石九斗九升零
係丹陽縣降調知縣吳之彥侵收入已應於之
彥名下究追及詢之彥狡不承認查係降調之
官未便嚴訊定擬是以詳請

題叅革職究擬方可定案等因前來臣謹具

題仰祈

皇上勅部將丹陽縣降調知縣吳之彥革職行臣遵
奉轉行審明定案其吳之彥見准部文催令回
旗應俟此案審定之日遵例解部再照臣於本
年四月初一日莅任接管合並聲明伏乞

睿鑒施行康熙二十八年五月初二日

題

題叅道臣違禁擾害

題爲道臣違禁行私可駭擾害官民有據謹具疏
特叅以肅吏治以昭法紀事臣賦性庸愚荷蒙
皇上隆恩不以臣謏劣非材復授督漕重寄

特恩簡畀臣夙夜祇承隕越是懼卽矢公矢慎茹檠
飲冰不足以仰報

皇恩於萬一臣莅任之後每於料理漕務之外尤以
察吏安民爲念歡顏勸諭所屬大小官員洗心
滌慮黽勉奉公各屬益加恪遵仰副

皇上恤軍愛民至意不意有淮揚道張天覺其人者

莅任伊始初次見臣面稟尚有贅見禮物容日
呈送臣卽立刻面斥隨據安東縣知縣許同文
面稟因該道張天覺莅任所屬州縣捐俸置備
擺設桌椅床帳所用一切等物及該道到任後
將各物件發出旋卽照依原物又發一單速爲
買備又吩咐卽是此物及開價將原物送進每
價值一兩減去價銀五錢止發五錢又係六折
潮銀各行舖怨聲沸騰又據淮安府知府單務
孜面稟每日傳令府州縣等官在於該道轅門
外伺候刻不敢離至晚又無話吩咐各官惶悚
各官所司一切

欽部各案及地方緊要事件不能辦理盡皆廢弛各
屬官吏無不舍怨臣衙門與該道官署駐劄同
城雖據屬員稟稱合之臣訪聞無異似此奸詐
爲心鬼魅爲行輒敢私許餽遺藐視

國法汚臣名節又復虧損行戶恐嚇屬員狂妄自
恣官箴大玷豈容一日居於民上若不亟爲糾
叅將來貽害地方民受荼毒關係匪細所當據
實

題叅仰祈

皇上立賜罷斥庶吏治肅而法紀昭矣臣謹具
題伏乞

睿鑒施行康熙二十八年五月初二日

題

題朱琰被盜踈防文武職名

題爲欽奉

上諭事康熙二十八年四月二十二日據江蘇按察
司按察使高承爵詳稱康熙二十七年三月二
十六日蒙前撫田都院票開康熙二十七年三
月二十日准兵部咨開職方清吏司案呈奉本
部送兵科抄出該本部彙題前事等因康熙二
十七年二月二十一日題本月二十四日奉
旨劉國軒著罰俸九個月餘依議欽此欽遵抄部送
司案呈到部擬合就行爲此合咨前去欽遵查

照施行計開一件爲欽奉

上諭事據總漕慕天顏疏稱安東縣城內居住生員朱琰家於康熙二十六年六月三十日夜被劫將踈防各官

題叅前來查此案盜犯十人於一月之內已獲黃潮等七名應將專汛把總王成兼轄遊擊梁士治均應照例免罪仍停陞限一年緝拿如不獲題叅另處等因到院備行到司蒙此隨經關移淮揚道並行淮安府勒限緝拿一面將已獲盜犯黃潮等確審招解去後又於康熙二十七年五

月二十五日奉署總漕王部院票爲欽奉

上諭事內開康熙二十七年五月初七日准兵部咨行同前事到司奉此又於五月二十七日奉署總漕王部院牌開康熙二十七年五月初七日准吏部咨考功清吏司案呈奉本部送吏科抄出該本部覆兵部咨前事康熙二十七年四月初四日奉

旨依議欽此欽遵抄出到部相應移咨前去欽遵施行計抄黏一紙內開一件安邑城內被盜等事據總漕慕天顏疏稱安東縣生員朱琰家住居

城內於康熙二十六年六月三十日夜被盜將
踈防典史茅世泰等

題叅查此案盜犯十人已於一月之內拿獲黃潮
等七名除淮安府通判馬九思已經別案革職
無庸議未獲賊犯交與接任官照案緝拿外安
東縣典史茅世泰知縣許同文均照例停陞限
一年緝拿護理淮揚道事淮安府知府單務孜
應照例於見任內罰俸一年未獲賊犯交與接
任官照案緝拿等因到部院行司奉此又經移
行該道府遵照在案續據淮安府詳稱除盜犯

李三尤四先經取供病故呈報外將盜犯黃潮
張玉李金張貴王二俱問擬斬罪李有桂謝應
時孔玉升各擬杖罪招解到司該前司覆審具
招通詳蒙總漕馬部院詳批仰候督撫部院覈
題繳又奉署總督王部院詳批仰候撫院覈
題繳又蒙江撫洪都院詳批仰候覈

題仍候督漕二院批示繳各等因到司遵候在案
於康熙二十七年十月十五日蒙江撫洪都院
牌開康熙二十七年十月十一日准刑部咨前
事等因到院准此除咨抄黏外擬合就行仰司

查照三法司會覆奉

旨內事理卽將盜犯黃潮王二李金張玉張貴查明
停刑日期立弔押赴市曹處斬取監刑官職名
決過日期照例呈報逸盜范四謝二陸三嚴行
緝獲詳報另結已獲贓物給還失主未獲贓物
將各盜家產變賠杖犯李有桂謝應時孔玉升
照數折責發落統取遵依領狀送查毋違等因
並蒙抄黏內開刑部爲報明大盜等事江南清
吏司案呈奉本部送刑科抄出江撫洪之傑題
前事康熙二十七年八月二十日題九月十三

日奉

旨三法司覈擬具奏欽此又爲呈報失盜事奉本部
送刑科抄出江撫洪之傑題前事同日奉

旨三法司一併覈擬具奏欽此該本部會同院寺會
看得盜犯黃潮等連劫楊成朱琰兩家一案據
江寧巡撫洪之傑審擬分別斬杖具

題前來查黃潮等同夥十人於康熙二十六年六
月二十八日行劫清江浦楊成家得贓飽颺又
窺安東縣朱琰家資殷裕原夥十人隨於本月
三十日夜各持刀棍等械齊至朱琰門首由梯

扒牆開門入室劫取銀錢衣服等物而散緝獲黃潮等七名該撫歷審各認情真起獲贓物俱經失主楊成朱琰認明除取供病故之尤四李三不議外黃潮王二李金張玉張貴俱合依強盜已行而但得財者不分首從皆斬律均斬立決已獲贓物給還失主未獲贓物將各盜家產變賠逸盜范四謝二陸三嚴緝獲日另結向盜借銀未得之李有桂合依共謀知情不行又不分贓者杖一百律應杖一百折責四十板謝應時孔玉升雖審不知情但容留盜宿應照不應

重律杖八十折責三十板等因康熙二十七年九月二十日題二十二日奉

旨黃潮王二李金張玉張貴俱著卽處斬餘依議欽此抄部送司案呈到部擬合就行爲此合咨前去煩爲欽遵查照施行等因到司蒙此行據淮安府申據山陽縣知縣崔靖申稱遵將盜犯黃潮王二李金張玉張貴移營撥兵於康熙二十七年十月十九日午時押赴市曹處斬訖等情申司轉報江撫都院在案又經檄催淮安府並移淮揚道將逸盜范四等遵限勒緝務獲去後

於四月初八日據淮安府詳稱查得安東縣城內居民朱琰家失事一案夥盜十人已獲七名其未獲賊犯奉准部文限年緝拿遵卽移行勒拿去後今一年之限已滿逸盜杳無弋獲除署淮安府軍捕通判事山清河務同知劉暄乃係接緝之員照案緝拿職名例應免開外所有原叅文職則係安東縣典史茅世泰知縣許同文原叅武職則係廟灣營專汛把總王成兼轄遊擊梁士治也但盜犯十人已獲過半例應免議伏候司裁等情又准淮揚道關同前事到司該

本司高按察使查得安東縣城內居民朱琰家失事一案夥賊十人已據獲賊黃潮等七名行據淮安府審供查取踈防職名前來當經詳奉院臺准咨未獲賊犯勒限一年緝拿等因遵卽轉行遵照去後續據淮安府將盜犯黃潮等審係行劫此案真盜問擬斬罪經前司覆審詳蒙具

題部覆行司轉行發落取有監刑官職名決過日期呈報在案今查限年緝賊之期已屆逸盜未據獲報茲准淮揚道並據淮安府開列原叅文

武各職名前來除護淮揚道事淮安府知府單務攷署軍捕通判事山清河務同知劉暄俱係接緝之官照案緝拿職名似應免開所有原叅文職則係安東縣典史茅世泰知縣許同文武職廟灣營專汛把總王成兼轄遊擊梁士治也相應開列聽候

題叅等因呈詳到臣該臣看得安東縣生員朱琰家被盜一案疎防文武各官經前總漕臣慕天顏具疏

題叅部覆此案盜犯十人已獲黃潮等七名各官均應照例停陞限一年緝拿如不獲

題叅另處護理淮揚道事淮安府知府單務攷於見任內罰俸一年未獲賊犯交與接任官照案緝拿等因欽遵轉行在案今據江蘇按察使高承爵詳稱已獲盜犯黃潮等審擬斬罪具

題部覆奉

旨發落外今一年之限已滿逸盜尚未全獲所有原叅文職捕官係安東縣典史茅世泰印官知縣許同文武職專汛係廟灣營把總王成兼轄乃該營遊擊梁士治也護理淮揚道事淮安府知

督漕疏 卷之二
府單務攷係罰俸照案緝賊署淮安府軍捕通
判事山旰河務同知劉暄係接緝之官合並聲
明旣據該司呈詳前來臣謹會同江南江西總
督臣傅臘塔江寧巡撫臣洪之傑江南提督臣
楊捷合詞

題叅伏乞

睿鑒勅部議覆施行康熙二十八年五月初八日

題

題開復承追泗州衛二十一年漕欠全完

題爲欽奉

上諭事據江安糧道叅政周訓成詳稱奉前任總漕
徐部院牌開康熙二十五年十二月二十七日
准兵部咨武選清吏司案呈奉本部送兵科抄
出該本部彙題前事一件爲循例詳請等事於
康熙二十五年十一月十四日據戶部咨稱查
得總漕徐旭齡疏稱鳳陽等衛運弁繆魯治等
掛欠起運康熙二十一年分漕糧除全完外仍
有未完米二千九百一十七石七升零將承追

守備余煌等三員開列職名分數交與兵部議處等因前來相應將未完不及一分之鳳陽中衛守備余煌照例停陞未完五分之泗州衛守備陳謀照例降職一級戴罪督催停其陞轉康熙二十五年十二月初六日題本月初八日奉旨依議欽此欽遵抄部送司案呈到部等因到部院准此擬合就行仰道查照部覆奉

旨事理轉行欽遵毋違等因又奉前任馬部院票爲循例詳請等事內開康熙二十八年二月初八日准戶部咨雲南清吏司案呈准總督倉場咨

前事到部查得先經總漕馬世濟咨稱泗州衛後幫運弁黃士爵挂欠康熙二十一年分漕米三千三百五十四石八斗四升零內除餘米並簞羨抵完米一百六十八石七斗三升零買完米一十六石九斗五升外前幫運弁吳大榮搭運米三千一百六十九石一斗五升零等語本部移咨倉場查明收受咨部去後今倉場咨稱黃士爵舊欠米原係三千三百五十四石八斗四升零業已全完無欠等因前來相應移咨總漕知照可也爲此合咨前去查照施行等因移

咨到部院准此擬合就行仰道查照來文並准部咨內事理即便知照毋違等因到道奉此俱經遵卽轉行知照在案今據泗州衛守備陳謀呈稱查得卑衛奉追康熙二十一年分後幫運官黃士爵未完漕欠米三千三百五十四石八斗四升六合三勺一抄七撮七圭三粟六顆已蒙總督倉場查收全完無欠所有原叅降職一級戴罪督催停其陞轉之案仰請轉詳開復等情到道據此該本道查得康熙二十一年分鳳陽等衛承追運弁繆魯治等挂欠起運漕米除

全完外仍有未完米二千九百一十七石七升零將經徵守備余煌等三員開列職名分數

題叅內除鳳陽中衛守備余煌承追未完不及一分照例停陞另文開復外但查泗州衛守備陳謀承追康熙二十一年分後幫運官黃士爵挂欠漕米三千三百五十四石八斗四升零內除扣收餘米簞羨等事案內運官孫繼仲抵完米一百六十八石七斗三升六合七勺一抄四撮二圭又據各丁投驗部單在通買完交倉米一十六石九斗五升外長淮衛頭幫兼攝泗州衛

前幫運弁吳大榮搭運米三千一百六十九石
一斗五升九合六勺三撮五圭三粟六顆已符
未完漕欠米三千三百五十四石八斗四升六
合三勺一抄七撮七圭三粟六顆之數復蒙前
本部院票開准部咨全完無欠今據泗州衛守
備陳謀呈送吳弁搭運完呈前來所有該衛承
追康熙二十一年分漕欠原叅未完照例降職
一級戴罪督催停其陞轉之案合無呈請院臺
俯賜具

題開復等因呈詳到臣該臣看得泗州衛守備陳
謀承追康熙二十一年分該衛後幫運官黃士
爵挂欠漕米三千三百五十四石八斗四升零
經前總漕臣徐旭齡將已未完數目據冊

題叅部議未完五分照例降職戴罪督催停其陞
轉檄行江安糧道遵照在案今據該糧道叅政
周訓成詳稱挂欠漕米內除扣收餘米並釐羨
抵完米一百六十八石七斗三升零買完米一
十六石九斗五升又運弁吳大榮搭運米三千
一百六十九石一斗五升零已符未完漕欠之
數全完無欠並將完呈送驗詳請開復前來經

臣驗明完呈發回外所有泗州衛守備陳謀原
叅降職戴罪督催停陞之案例應開復相應具
題伏乞

勅部議覆施行康熙二十八年五月初八日

題

題承追安慶等衛二十三年駁欵遲悞職名

題爲錢糧綜覈宜嚴敬陳末見以佐

國用事據淮安府知府單務孜詳稱奉前總漕馬

部院牌開康熙二十七年九月二十四日准戶

部咨雲南清吏司案呈查得先經原任總漕慕

天顏咨稱淮庫康熙二十三年分

奏銷案內安慶等衛旗造船三百一十七隻給過

修艚銀二千二百九兩五錢九分本部查與上

年

奏銷冊內旗丁姓名不符開單行令查明又給過

十九二十年分負重銀五千一百九十九兩二錢六分零二十一年分負重銀五十一兩九錢四分零據稱應俟各丁回衛之日查追等因本部行令分晰正耗米數追完報部去後今總漕馬世濟造冊咨覆前來查冊開安慶等衛旗造船三百四隻雖與各年

奏銷冊內旗丁姓名相符但冊內未將各船應支銀數開報無憑查覈應令開明報部查覈其建陽等衛旗造船一十三隻查各年

奏銷冊內並無此等旗丁姓名仍應開單行令查明報部至給過十九二十一年負重銀兩據稱各衛請將康熙二十一年起至二十六年止未領負重銀兩扣抵等語查前項負重銀兩先據該督咨報俟各丁回衛之日查追今何得

將康熙二十一年起至二十六年止未支負重銀兩扣抵爲詞仍令速行照數追還報部并將耗米正數分晰造冊送部查覈可也等因移咨并黏單一紙到部院准此擬合就行爲此牌仰該府官吏查照來文部咨事理即將安慶等衛旗造船三百四隻各船應支銀兩細數查明造

報其建陽等衛旗造船一十三隻查明單開旗
丁姓名查明詳報至給過十九二十二十一年
負重銀兩作速照數追完速報并將正耗米數
分晰造冊一併詳報以憑覆部毋遲等因并黏
單蒙此該卑府遵將安慶等衛旗造船三百四
隻各船應支銀數并單開建陽等衛不符丁名
一十三隻查明上年

奏銷底冊出運旗丁姓名及給過康熙十九二十
二十一年負重銀兩正耗米數俱各分晰造冊
見在至於奉追鎮江等衛康熙十九二十二十

一年各耗米負重銀兩隨即移行各該衛完解
去後又經按日嚴催不啻至再始准淮安衛移
稱本衛四幫奉追耗米負重銀三十五兩四分
七釐七毫二忽六微在於本幫康熙二十八年
起運二十七年分新運三修銀內扣交等情又
揚州衛十幫奉追耗米負重銀二十九兩九錢
一分五釐六毫二絲一忽又長淮衛三幫奉追
耗米負重銀八十九兩五分八釐一毫三絲四
忽一微五纖又儀真衛奉追耗米負重銀一百
八十二兩一錢一分五釐七毫二絲六忽八微

五織五沙又揚州衛頭幫奉追耗米負重銀五十六兩一錢二分九釐五毫九忽五微俱各回稱在於各該幫新運康熙二十八年起運二十七年分三修等銀照數扣交全公等情又滁州衛奉追耗米負重銀七十八兩三錢四分五釐九毫三絲一忽該衛於康熙二十七年十二月十二日解過銀二十九兩六錢七分尚欠銀四十八兩六錢七分五釐九毫三絲一忽移稱追完另解等情又徐州衛奉追耗米負重銀一百一十六兩七錢二分五釐九絲三忽四微該衛

於康熙二十八年二月二十二日解交淮庫訖除各衛解到淮庫者聽候搭解其各衛移報在於本幫新運三修扣交者一面具文詳請江安糧道扣交外又查滁州衛奉追前幫康熙二十一年分耗米負重銀八兩七錢五分四釐二毫五絲後幫康熙二十一年分耗米負重銀一兩九錢七分五釐九毫七絲一忽六微俱於康熙二十七年三月初四日該幫應領三修銀內扣交淮庫訖尚有江淮衛應追康熙二十一年耗米負重銀四兩八錢一釐九毫五絲二忽八微

并鎮江衛應追康熙十九二十年分耗米負重銀三百一十兩一錢五分三釐五毫九絲三忽五微九纖九沙九塵九埃九渺九漠又泗州衛應追共耗米負重銀三百二十四兩九錢七釐四毫二忽又蘇州衛應追耗米負重銀四十四兩二分五釐三毫二絲九忽七微九纖又太倉衛應追耗米負重銀五十二兩八分八毫七絲五忽五纖五塵以上各衛屢經嚴催抗不完解今部限已逾江淮衛守備殷璉鎮江衛守備徐經泗州衛守備陳謀蘇州衛守備林世昌太倉

衛守備李成喬俱難辭承追不力之咎合將各衛遲悞職名相應詳報伏祈本部院俯賜

題叅等因呈詳到臣該臣看得淮庫康熙二十三年分

奏銷案內部駁各款行令分晰造冊查追報部等因經前總漕臣馬世濟檄行淮安府遵照去後經臣莅任接管又經行催今據該府知府單務孜詳稱遵將安慶等衛旗造船隻應支銀數并單開建陽等衛不符丁名及給過康熙十九二十一年負重銀兩正耗米數俱各分晰造

冊見在至於奉追鎮江等衛康熙十九二十二
十一年各耗米負重銀兩除各衛解到淮庫者
聽候搭解其各衛移報在於本幫新運三修扣
交者具文詳請江安糧道扣交外尚有各衛屢
經嚴催抗不完解今部限已逾將江淮衛守備
殷璉鎮江衛守備徐經泗州衛守備陳謀蘇州
衛守備林世昌太倉衛守備李成喬各遲悞初
叅職名開報前來除原冊送部查覈外則江淮
衛守備殷璉等承追不力之咎臣不能爲之寬
也相應

題叅再照臣於本年四月初一日莅任接管合併
聲明伏乞

勅部議覆施行康熙二十八年五月初八日
題

題開復鳳陽中衛挂欠運弁

題爲特叅挂欠運弁事據江安糧道叅政周訓成詳稱案奉前任總漕邵部院牌開康熙二十三年四月二十日准兵部咨武選清吏司案呈奉本部送兵科抄出戶科外抄戶部題前事康熙二十三年二月十二日題本月十四日奉

旨依議欽此欽遵抄出到部該臣等議得戶部疏稱康熙二十二年起運二十一年分漕糧挂欠運官張友心等二十二員開列職名分數交與兵部議處等因前來查鳳陽中衛三幫運官張友

心泗州衛後幫運官黃士爵廣信所運官王廷
綵鳳陽衛二幫運官繆魯治以上四員俱挂欠
漕糧一分以上均應照例降級發追鳳陽中衛
頭幫運官顧三異長淮衛頭幫運官丁世麒鎮
海衛前幫運官孫景范杭州前衛後幫運官張
運中嘉興所運官謝承宣九江衛後幫運官林
義温州衛前幫運官史傳淮安衛頭幫運官雷
祖材温州衛後幫運官劉芳亨長淮衛三幫運
官楊烈江淮衛頭幫運官陳文煥江淮衛三幫
運官張士龍興武衛十四幫運官陳升江淮衛
四幫運官童標揚州衛頭幫運官馮大威儀真
衛運官雒書廬州衛頭幫運官時名世永新所
運官石琢玉以上十八員俱挂欠漕糧不及一
分均應照例停陞內張運中已陞福建建寧城
守營守備陳陞已陞廣東潮州鎮標右營守備
此二員應照陞任官例於新任內各罰俸一年
可也康熙二十三年三月十九日題本月二十
一日奉

旨依議欽此欽遵抄部送司案呈到部等因到部院
准此擬合就行爲此牌仰該道查照部覆奉

旨事理轉行欽遵毋違等因到道奉此該前道遵卽
轉行各衛知照在案今據鳳陽中衛呈據運弁
張友心呈稱卑職奉單領運康熙二十二年起
運二十一年分漕糧挂欠平米二千七十七石
九斗三升四合七勺七抄九撮零於康熙二十
三年三月二十一日奉

旨降級發追在案嗣於循例詳請等事案內於康熙
二十四年分附搭運官蔡天綬搭運平米八百
六十二石一斗八升續於康熙二十五年分附
搭運官陳禎昌搭運平米九百石又於康熙二

十六年分附搭運官鮑昇搭運平米三百一十
五石七斗五升四合七勺七抄九撮零業已三
次照數搭運全完掣有倉收三紙呈送查覈所
有該弁降級發追之案俯賜轉詳咨部銷案等
情到道據此該本道查得運弁張友心領運康
熙二十一年分漕糧挂欠平米二千七十七石
九斗三升四合七勺七抄九撮零奉

旨降級發追今據該衛呈據詳并呈送運官蔡天綬
搭運米八百六十二石一斗八升陳禎昌搭運
米九百石鮑昇搭運米三百一十五石七斗五

升四合七勺七抄九撮三圭六粟三顆完呈三
紙前來與張友心原欠漕米二千七十七石九
斗三升四合七勺七抄九撮三圭六粟三顆之
數全完無欠但查運官張友心未完米石已經
照數全完似與中樞政考糧完開復之例相符
所有原叅未完降級發追之案合無詳請院臺
俯賜具

題查案開復等因呈詳到臣該臣看得鳳陽中衛
運弁張友心領運康熙二十二年起運二十一
年分漕糧挂欠平米二千七十七石九斗三升

零部議照未完一分以上例降級發追在案今
據江安糧道叅政周訓成詳稱該弁挂欠漕米
嗣於循例詳請等事案內於康熙二十四年分
附搭運官蔡天綬搭運平米八百六十二石一
斗八升續於康熙二十五年分附搭運官陳禎
昌搭運平米九百石又於康熙二十六年分附
搭運官鮑昇搭運平米三百一十五石七斗五
升零業已三次全完附搭運通掣有倉收三紙
呈驗前來所有該弁張友心原叅未完降級發
追之案例應開復相應具

題伏乞

勅部議覆施行康熙二十八年五月十三日

題

題開復江淮衛挂欠運弁

題爲特叅挂欠運弁事據江安糧道叅政周訓成
詳稱案奉前任總漕徐部院牌開康熙二十四
年三月二十二日准兵部咨武選清吏司案呈
奉本部送兵科抄出戶科外抄戶部題前事康
熙二十四年正月三十日題二月初二日奉

旨依議欽此欽遵抄出到部該臣等議得戶部疏稱
康熙二十三年起運二十二年分漕白糧挂欠
運官柴藩等一十二員應開列職名分數交與
兵部議處等因前來查太倉衛前幫領運千總

柴藩未完一分以上應照例降級發追淮安衛頭幫領運千總劉國贊淮安衛二幫領運千總周一文廬州衛二幫領運千總申青建昌所領運千總平錫祐江淮衛二幫帶運興武衛八幫領運千總顧光乘鳳陽右衛頭幫領運千總劉際盛鳳陽中衛頭幫領運千總茅士璉鳳陽中衛三幫領運千總胡武臣鎮海衛後幫領運千總徐雲闕江淮衛十一幫領運千總楊爲楫蘇州府白糧領運千總邊鐸等十一員俱未完不及一分均應照例停陞可也康熙二十四年三

月初一日題本月初三日奉

旨依議欽此欽遵抄部送司相應移咨爲此合咨前去煩爲欽遵查照施行等因移咨到部院准此擬合就行爲此票仰江安督糧道查照來文并准部咨奉

旨內事理欽遵毋違等因續奉前任部院牌爲循例詳請等事內開康熙二十五年八月初一日准總督倉場咨開准戶部咨覆本督部題前事內開康熙二十三年起運二十二年分漕糧鳳陽等衛運官胡武臣等六員共挂欠米八千八百

三十六石八斗二升零一年限滿未完應照例
發回總漕勒限嚴追等因康熙二十五年閏四
月初一日題本月初四日奉

旨依議欽遵等因到部准此隨將坐糧廳秦齊喇等
所造鳳陽等衛運官胡武臣等各丁挂欠細數
清冊咨送檄行該糧道作速勒限嚴追照數全
完可也等因并咨送冊六本同日又據戶部坐
糧廳呈稱蒙總督部堂票開仰廳遵照部覆奉
旨事理即將發去欠并胡武臣等并咨文一角差的
當舍役押赴總漕衙門查收仍將解役姓名起

程日期報部查覈等因蒙此本廳遵即將運官
胡武臣等當堂交給舍人周方管押前赴院臺
衙門聽候點收轉發追比仍祈卽發印信批廻
給原押舍人賁回以憑轉報督部查銷

欽件并押解康熙二十三年起運二十二年分欠并
六員鳳陽中衛三幫運官胡武臣太倉衛前幫
運官柴藩江淮衛十一幫運官楊爲楫廬州衛
二幫運官申青淮安衛頭幫運官劉國賁淮安
衛二幫運官周一文前來合行發追爲此牌仰
該道照牌事理卽將發去鳳陽中衛三幫運官

督漕疏草 卷之二
胡武臣江淮衛十一幫運官楊爲楫廬州衛二幫運官申青淮安衛頭幫運官劉國賚淮安衛二幫運官周一文查收遵照發去冊開數目作速勒限嚴追全完依限詳報以憑咨部先具收到回文報查毋違等因計黏單一紙內開鳳陽中衛三幫運官胡武臣江淮衛十一幫運官楊爲楫廬州衛二幫運官申青淮安衛頭幫運官劉國賚淮安衛二幫運官周一文并原冊五本查明仍繳等因到道奉此遵卽轉行發追在案今據江淮衛原十一幫運官楊爲楫呈稱卑職

奉單領運康熙二十三年起運二十二年分松江府屬青浦縣漕糧蹇遭本幫旗丁積年疲困逋欠無抵及見運漕糧沿途打鬧提溜起淺在在艱苦各船耗費因而各丁起欠平米六百三十七石五斗二升八合零當蒙總督倉場開列職名分數

題叅部覆奉

旨以挂欠照未完不及一分例議處停陞在案續於康熙二十五年八月內咨發南追今卑職已將各丁原欠漕米六百三十七石五斗二升八合

零循例照數追完附搭本幫同官林花開幫船
內領運赴北抵壩交卸全完取有搭運完呈呈
驗但起欠米石既已搭運全完所有卑職部議
原叅未完不及一分停陞之案仰請俯念亦係
裁弁糧完蟻員恩賜轉詳

題請開復則卑職始免羈棲異地感沐洪慈於不
朽矣等情並呈送搭運完呈一紙到道據此該
本道查得康熙二十三年起運二十二年分鳳
陽等衛運官胡武臣等六員共挂欠米八千八
百三十六石八斗二升零內除太倉衛前幫運

官柴藩未完一分以上應照例降級例在蘇松
糧道具報至於鳳陽中衛三幫運官胡武臣廬
州衛二幫運官申青淮安衛頭幫運官劉國贊
淮安衛二衛運官周一文等四弁俟糧完另文
開復外但查江淮衛原十一幫運官楊爲楫未
完漕米六百三十七石五斗二升八合三勺七
抄三撮三圭於循例詳請等事案內追完附搭
本幫康熙二十七年起運二十六年分同官林
花開幫船內運通抵壩交卸全完已據該弁掣
獲完呈呈驗訖所有運弁楊爲楫漕欠原叅未

完不及一分例議處停陞之案相應具文詳請
院臺俯賜具

題開復等因呈詳到臣該臣看得江淮衛原十一
幫運官楊爲楫領運康熙二十三年起運二十
二年分漕糧挂欠米六百三十七石五斗二升
零部議照未完不及一分例議處停陞在案今
據江安糧道叅政周訓成詳稱該弁挂欠漕米
於循例詳請等事案內追完附搭本幫康熙二
十七年起運二十六年分同官林花開幫船內
運通全完取獲完呈送驗前來所有原叅該弁

停陞之案例應開復相應具

題伏乞

勅部議覆施行康熙二十八年五月十三日

題

題承查各年各案減存朦蔽職名

題爲詳明解部錢糧請賜咨部以免岐悞事據護理蘇常糧道事蘇州府知府胡世威詳稱案奉前任總漕馬部院牌開康熙二十七年十月十一日准戶部咨開雲南清吏司案呈查得先經原任總漕慕天顏咨稱蘇松糧道所屬各年各案減存等銀總計四萬餘兩俱應交發本年輕賣解員搭解本部行令照數解部去後今總漕馬世濟咨稱康熙二十四年并帶徵十四年分漕項減存共銀九千四十九兩六錢零又十九

年分購米還項銀二萬一千九百一十五兩三分零又各年各案存貯漕項銀二千三百四兩一錢六分零已差馮士硯解部其餘未解銀兩俟今冬輕賚便員附搭起解等因前來查馮士硯解部銀兩已經收訖其餘銀兩應令速行附搭解部可也爲此合咨前去查照施行等因到部院備行到道奉此遵查本道所屬節年減存銀兩祇有一件遵

旨會議等事康熙二十三年分白糧多用減船案內追完各衛幫行月銀二千二十三兩三錢七釐

五毫一絲八忽三微八纖七沙一塵六埃四渺又察覈通庫等事各案內康熙二十三四年各項減存漕項共銀二千一百一十七兩七分八釐九毫五絲六微五纖九沙四埃三渺八漠四透四須業經填具糧字四五號批差委輕賚解官周士龍於上年十二月二十二日前赴戶部交收在案應請院臺咨覆奉批案查前道詳各案減存銀兩總計四萬有餘今該道詳內先後共解銀三萬七千四百兩零其餘銀兩未據聲明仰再星速查明詳報以憑覈咨仍候先行

咨明繳等因奉此該本道覆查得道庫減存漕
項錢糧每年原無定額今除解過三萬七千四
百兩零之外尚餘各年減存銀兩統於今冬輕
賚便員附解完足合行詳覆伏乞本部院咨部
等因到臣該臣看得漕項錢糧關係綦重欵項
自宜明晰數目尤貴覈清臣深悉從前錮習於
莅任之後凡關支解錢糧恐有侵那冒破必須
徹底澄清不敢稍有姑容以滋弊竇不意有護
理蘇常糧道事蘇州府知府胡世威不遵
功令一任朦蔽如部文所開該道所屬各年各案

減存等銀總計四萬餘兩行令解部一案前漕
臣馬世濟一面行令該道確查一面咨明戶部
在案及臣莅任接管又經行催飭令明白回報
續據該護道蘇州府知府胡世威詳稱漕項錢
糧每年原無定額除解過三萬七千四百兩之
外尚餘各年減存統於今冬附解完足等因前
來臣查錢糧所關絲毫難容混淆該道既奉行
查卽應據實查確係某某年分某某項欵因何
少解或於某案咨

題動用聲說明白庶無朦混之弊查前道錢捷於

康熙二十六年十二月內詳報各年各案減存等銀總計四萬餘兩俱應附搭解部已經前漕臣慕天顏咨部在案是康熙二十六年查算前銀實有其數矣隨奉部文令交發本年輕贖解員附搭起解至康熙二十八年二月內據該前道錢捷詳報先後共解銀三萬七千四百兩零又經前漕臣馬世濟報部在案是前項減存等銀尚有二千六百餘兩未經解部矣以見在報過實數銀兩自應照未解之數作速起解今護道胡世威不查先奉部文既不遵照速解及續

奉批查又不據實開明一味含糊以原無定額一語混覆希圖滋弊其因何不解緣由又不報明以見在實銀爲何必至今冬始行解足或係此項銀兩已歸烏有一時不能起解其中情弊恐有侵那亦未可定除將蘇常糧道前項未解銀兩一面嚴駁確查外所有護理蘇常糧道事蘇州府知府胡世威朦混欺蔽之咎臣不敢爲之寬也相應

題叅伏乞

皇上睿鑒

勅部嚴加議處施行康熙二十八年五月十三日

題

題承追常熟縣二十三年麥石少折未完

題爲催解錢糧事據護理蘇常糧道事蘇州府知府胡世威詳稱案奉前總漕馬部院牌開康熙二十七年十一月二十三日准戶部咨開雲南清吏司案呈查得先經本部將蘇松等府康熙二十三年分

奏銷案內登記存貯銀兩米麥行令速催解部去後今總漕馬世濟造冊咨覆前來一民七軍三銀一萬七百四十八兩九錢九分零先稱給發造船之用本部行令於敬陳漕船等事案內報

部查覈今稱已經咨報等語查前項銀兩本部
於敬陳漕船等事案內因有多支料價銀兩行
追在案應於彼案內歸結一余應聘解部米四
千二百九十九石五升零折銀四千二百五十
一兩四錢七分零麥五百一十七石九升零折
銀二百四十一兩七錢三分零先令開明折銀
細數報部查覈今稱內揚倉米八百二十五石
二斗二升零每石九錢折銀七百四十二兩六
錢九分零貼運米九百五石二斗三升零每石
一兩折銀九百五兩二錢三分零麥三百四十

八石九斗八升零每石五錢折銀一百七十四
兩四錢九分零等語查係照例折解應毋庸議
又常熟縣麥一百六十八石一斗一升零每石
四錢折銀六十七兩二錢四分零等語查定例
麥每石五錢折解今每石少折銀一錢應令照
數增補報部又行月米二千五百六十八石五
斗九升零折銀二千六百三兩五錢三分零等
語查內有行糧米每石應折銀一兩二錢月糧
米每石應折銀一兩今冊內行月米石及折銀
數目並未分晰無憑查覈應令開明報部一吳

督漕疏草 卷之二 三
江縣存倉麥一百四十一石五斗一升零先令折銀解部今稱見在嚴催起解等語應令作速折銀解部可也爲此合咨前去查照施行等因移咨到部院准此擬合就行仰道查照來牌並准部咨內事理即將前項多支料價銀兩遵照於敬陳漕船等事案內歸結又常熟縣麥石少折銀兩照數增補又行月米石及折銀數目逐一分晰開明報部又吳江縣存倉麥石作速折銀解部一併具文詳報以憑咨覆等因到道奉此查得部查康熙二十三年分

奏銷案內登記存貯銀兩米麥除相符各款毋容登覆外查得常熟縣解過麥一百六十八石一斗一升零每石少折銀一錢見在嚴行蘇州府勒督該縣增補節催未據完報合將常熟縣署印長洲縣縣丞塗崇焜承追不力職名相應報叅查係初叅又解過行月米石折銀數目遵卽逐一分晰開報吳江縣存倉麥已據該縣照例折銀解道彙行解部訖俱於冊內登明呈送見在伏候院臺覈明咨部再照此案先經前道錢叅議於閏三月初七日遵限具詳因係前部院

官銜未經投收於四月二十四日遞回今另換具院銜詳覆等因呈詳到臣該臣看得蘇松等府康熙二十三年分

奏銷案內登記存貯銀兩米麥等項部文行令增補及分晰折解經前總漕臣馬世濟當卽檄行蘇常糧道遵照在案經臣蒞任接管又經行催今據護理蘇常糧道事蘇州府知府胡世威詳稱查得常熟縣解過麥一百六十八石一斗一升零每石少折銀一錢見在嚴行蘇州府勒督該縣增補未據完報將常熟縣署印長洲縣縣

丞塗崇焜承追不力初叅職名開報並造具登咨各款冊前來除原冊送部查覈外所有常熟縣署印長洲縣縣丞塗崇焜承追不力之咨臣不能爲之寬也相應

題叅再照臣於本年四月初一日蒞任接管合併聲明伏乞

勅部議覆施行康熙二十八年五月二十二日
題

題原承追桃源縣各年未完各倉米麥限滿
題爲淮揚災患非常殘黎困苦至極仰懇

睿慈亟賜賑濟破格蠲緩以保民命以培

國本事據江蘇布政使司布政使李國亮詳稱奉
前任總漕慕部院牌開康熙二十七年三月初
九日准戶部咨雲南清吏司案呈戶科抄出總
漕慕天顏題前事等因康熙二十六年十二月
二十二日題康熙二十七年二月十二日奉

旨孫居湜等著議處具奏該部知道欽此抄出到部
查得先經總漕疏稱淮屬規報完康熙元年起

至六年止各倉銀三萬五百一兩二錢四分零
限滿無完將邳州知州黃日煥等

題叅本部將知州黃日煥等交與吏部議處未完
銀兩行令追完報部去後今總漕慕天顏疏稱
前項未完銀兩年限又滿仍無完報將邳州革
職知州黃日煥等造冊

題叅前來查冊開邳州離任知州黃日煥宿遷縣
離任知縣鄒琬俱經革職等語應無庸議又接
追邳州知州孫居湜清河縣接追知縣管鉅宿
遷縣接追知縣祖寅亮到任俱未滿一年等語

應俟一年限滿不完

題叅到日再議又清河縣承追離任知縣任清漣
桃源縣接追見任知縣蕭文蔚年限已滿仍無
完報等語相應交與吏部議處未完銀兩作速
追完報部可也爲此合咨前去查照施行等因
到部院准此擬合就行仰司即便轉行欽遵其
未完銀兩作速追完詳報以憑咨覆其接追邳
州知州孫居湜等俟一年限滿不完詳報

題叅俱毋遲悞等因到司奉此隨經前司轉行淮
安府督追去後屢催無完今該本司查得此案

部覆內開接追邳州知州孫居湜清河縣接追知縣管鉅宿遷縣接追知縣祖寅亮到任俱未滿一年等語應俟一年限滿不完

題叅到日再議等因除邳州見任知州孫居湜清河縣見任知縣管鉅宿遷縣被劾知縣祖寅亮三員先因限滿無完俱經查照各員到任日期扣限造冊補叅在案今查桃源縣原報未完康熙元二三四五六等年各倉米麥折共銀四千二百四十七兩三錢七分二釐五毫二絲五忽五微八沙一塵二渺五漠七埃係原承追見任

知縣蕭文蔚自康熙二十七年三月初九日奉准部文應扣至康熙二十八年三月初八日一年限滿仍無完報相應造具年限職名清冊詳請院臺覈

題等因到臣該臣看得淮屬規報完康熙元年起至六年止各倉銀三萬五百一兩二錢四分零一案先因限滿無完經前總漕臣慕天顏將未完各官具疏

題叅部議接追邳州知州孫居湜等俟一年限滿不完

題叅未完銀兩作速追完等因檄行江蘇布政司
遵照在案經臣蒞任接管又經行催今據布政
使李國亮詳稱除邳州見任知州孫居湜等三
員先因限滿無完俱經查照各員到任日期造
冊補叅在案今桃源縣原報未完康熙元二三
四五六等年各倉米麥折銀四千二百四十七
兩三錢七分二釐零一年限滿仍無完報將原
承追見任知縣蕭文蔚職名開報前來則原承
追桃源縣見任知縣蕭文蔚怠玩之咎臣不敢
爲之寬也除原冊送部查覈外相應

題叅再照臣於本年四月初一日蒞任接管合併
聲明伏乞

勅部議覆施行康熙二十八年五月二十二日
題

題陳虎被盜疎防文武職名

題爲睢邑鎮店被劫特叅疎防文武各官事康熙二十八年五月初九日據江蘇按察司按察使高承爵詳稱爲中途盜劫事康熙二十八年二月二十五日奉前任總漕馬部院批據淮徐道呈詳睢寧縣過客陳虎失事一案蒙批仰江蘇按察司查明被劫情形夥賊確數離城若干里有無焚房傷人並疎防文武各官職名通報會叅繳等因又奉本部院批據徐州營詳報前事緣由蒙批仰江蘇按察司遵照前批一併確查

通報會叅繳等因又奉總督傅部院批據淮徐道呈詳前事蒙批仰速嚴查飭緝開列疎防職名詳報覈叅仍候漕撫部院批示行繳等因又奉江撫洪都院詳批仰按察司嚴查強劫情形賊夥確數勒緝真盜究報並報職名會叅仍候督漕二部院批示繳隨查詳開淮徐道爲中途盜劫事康熙二十八年二月初七日據陳虎稟前事稟稱身住居徐城在蘇生理於正月三十日回至睢寧縣龍家集地方投宿宋大店內至二更時分約盜二十餘人明火執械攻門未破

越屋進院打入臥室將身行李衣物銀兩等件劫去一空復持鐵棍鎗棒圍身攢打遍體寸傷闖集人等喊救衆盜奪門逸去似此大盜行劫事關地方伏乞勅行專汛文武衙門嚴緝夥盜追賊正法計開失去銀一百兩順袋一個有零銀四兩餘元青小團花線紬綿袍一件藍紬裏大絨綿袍一件藍綾裏捫青綿袍一件藍紬裏羊皮大外套一件元色緞面羊皮小外套一件元色緞面元色緞小團花綿外套一件藍紬裏皂布大綿外套一件白紬裏翠藍紬夾褲一條

隨身翠藍紬綿襖一件貂帽一頂狐皮帽一頂
剪絨帽一頂單白布衫一件翠藍紬綿褲一條
白布褲一條沉香色綿襪一雙舊緞靴一雙倭
緞口舊捫青布靴一雙繭紬皮襖一件缺大襟
翠藍紬棉被一床紅襠頭白布裏白布單被一
床醬色花緞褥一條月白單布拖褥一條新元
色腰帶二根花紅絲帶一副紅絨氈一床花毯
一床腰絲帶一條上有小刀一口穿鍍金事件
元色絲帶一條銀鈎上有小刀一口紅氈腰刀
一口鑰銀事件鍍金押梁頭枕箱一個內有家

報書扎一大封並零星帳目圖書一方雕漆印
色盒一個帽緯一個稍搭二個白布包袱二個
內裝前開衣物翠藍綿襪一雙倭緞口元色素
緞半疋白紬一疋沉香花綾一疋白被套一個
藍被套一個舊紅氈一條花手巾綿被一床京
藍布棉外套一件月白布裏等情據此該淮徐
道查得今春

聖駕南巡本道先於正月十四日前赴宿遷縣料理
一切供應事宜至二月初六日始經回徐於初
七日接據陳虎稟報康熙二十八年正月三十

日夜在睢寧縣龍家集地方宋大店內被劫等情除一面移行營縣追緝逸賊並確查盜劫情形賊夥實數另文詳報外事關地方過客被盜合先通報再照此案失事之日本道因公出境合併預爲聲明等因呈詳各部院案下蒙批前因到司奉此案據睢寧縣詳稱據本縣典史谷承恩呈稱本月初五日申時據陳虎報爲中途盜劫事內稱身住居徐城在蘇生理於正月三十日回至睢寧縣龍家集地方投宿宋大店內至二更時分約盜二十餘人明火執械攻門未

破越屋進院打入臥室將身行李衣物銀兩等件劫去一空復持鐵棍鎗棒等物圍身攢打遍體寸傷闔集人等喊救衆盜奪門逸去似此大盜行劫事關地方伏乞恩准緝盜追賊正法上呈計開失單一紙等情據此該卑職查得事關盜情未敢擅揣理合呈報等情到縣據此該卑縣查得事主陳虎係徐州人氏屢經牒取未經牒發以致無憑質審於本月二十二日陳虎始行到縣隨問陳虎你是那裡人供小的是徐州人在蘇州生理於本年正月二十六日在王家

營僱了三頭驢回家於三十日到了龍家集宋大店內有日西了小的同一個小廝叫小二都在一個屋裏詰問你進宋家店去可還有別人在你一店下麼供並沒別人小的進店之後只見有四個人抗著被套子進門尋宿宋大說沒有落地他就出去了後邊又來河工官姓胡叫胡子亮他在倒坐屋裏住著小的進店洗了手脚同小廝小二一個房裏睡了到二更多天小的沒睡著只聽見打門小的將刀拿出來只見賊上了屋小的還聽見人打梆子只見賊上了

屋從一個馬棚上下來幾個宋大就跑了小的就跑到宋大兒妻子房裏小的身上有一百多銀子放在一個囤子裏只見兩個賊把小的拿住將小的衣服褲子盡剝了去了打了小的一棍打了小廝一頓衆賊將小的細著後來賊去小的將銀子與了小的的小廝了這一百兩銀子不會失落還有藍被套一個內有銀子一百兩被賊拿去了詰問你共是若干銀子失去多少供共是二百兩止失了一百兩並衣服紬緞大小刀及順袋內零銀四兩餘俱經開單呈報宋

大有個姪子將鍋打碎將賊打跑了詰問還有別人被傷不會供宋大叔子說被賊戳了一鎗詰問趕回幾個驢來供聽見說趕回兩個驢來是宋家與掌鞭的驢又問可有人救護不會供有人喊叫詰問有多大時候供有老大一時只見賊在屋上是紙點火並沒燒房子詰問你見有多少強盜呢供那夜黑暗不知有幾個賊小的聽說有賊把兩口刀拿著小的不當是賊將刀遞與賊了詰問你爲何不來報本縣呢供三十日夜被盜初一日到徐州初四日著王國昌

來縣報了捕衙徐營的小的不會親自來報緝獲住賊審他纔知他是幾個賊等情又問陳虎小厮你叫甚麼名字供小的叫小二詰問本年正月三十日夜你將同陳虎在龍家集宋延龍店內被盜的緣由供來供小的聽說有了賊了小的在院子被賊將小的衣服綿袍子都剝了去了見賊拿的是鎗鐵棍小的主人陳虎在後頭小的在前頭詰問可有人救護麼供外邊有人救護詰問你同陳虎一進店時可有來同寓的人沒有供進店之後止見有幾個人來尋宿

宋大說我這裏沒有落地打發他去了詰問你
身邊帶有多少銀子供小的被套裏一百銀子
被賊拿去了主人被套裏一百銀不會失落等
情又問宋延龍陳虎到你店內有甚麼時候供
有午西時候一個陳虎一個小廝一個掌鞭的
共三個人詰那日還有甚麼人在你店內寓呢
供後邊又有四個人來小的家寓小的說沒有
落地把四個人打發出去了小的不認的那四
個人詰問有多少強盜呢供那日夜天黑暗不
知有多少賊止見有四個人往外跑小的叔脚

下被他戳了一鎗還好沒有傷人詰問可曾放
火呢供並沒放火賊拿了陳虎東西去了只見
陳虎在小的兒妻子房裏出來身上沒衣服了
詰問你見強盜進陳虎屋裏拿他甚麼衣物供
沒見賊進陳虎的屋聽說拿他一個被套不知
內有甚麼東西詰問強盜牽了幾個驢去供牽
了連小的家五個驢趕回兩個驢來詰問那小
廝被強盜打了一頓將身上銀子并衣服都剝
了去你爲何不救護呢供小廝衣服還有並沒
被賊打失落銀子小的不知道詰問強盜進你

院時放火不會供止見是火紙一個團子點火
沒燒房子賊拿的是竹桿等情又問王魁你將
宋延龍店內被盜情形從實供來供正月三十
日夜宋家被盜小的聽見有人起來的第二天
客人早起身去了並沒放火賊拿失主東西小
的不知道只求問宋延龍就知道了等情又問
黃起龍你將宋延龍家店內被盜情形實實說
來供小的是西鄰小的彼時沒在家初一日纔
來家聽說並沒放火傷人等情又問朱國啟你
與宋延龍是緊鄰嗎供小的與宋延龍對門住

又詰問你將宋家店內被盜情由從實說來供
那日天黑暗聽見有幾個賊小的起來救護的
賊拿東西小的不知道等情又問宮良臣你是
集保宋延龍家店內被盜你爲何不同他鄰佑
救護呢供正月三十日夜宋延龍家店內被盜
小的同宋延龍並各鄰佑往各處追赶賊因天
黑看不見集上南北俱有巷子不知往那個巷
子裏跑了詰問可會傷人放火供也沒放火傷
人各等情供吐在案據此該卑縣看得徐州民
陳虎於正月三十日夜於龍家集宋延龍店內

被盜一案始因失主陳虎並未將被盜情由具報到縣續於二月初五日據本縣典史谷承恩呈據陳虎報詞隨拘宋延龍等訊問被盜情形已俱供明則係大盜無疑至此案疎防則係典史谷承恩卑縣知縣盧信鴻也等情於閏三月二十七日詳府據此又於四月初四日准徐州營手本開移崑汎兼轄武職職名前來該卑府查得徐州民人陳虎自蘇州貿易而回於康熙二十八年正月三十日路經睢寧縣龍家集地方住宿宋延龍店內是夜被盜劫去銀衣紬疋

等件次早陳虎竟回徐州至二月初五日方以中途盜劫事赴縣捕呈報於初七日起淮徐道呈報今據該縣審據陳虎供稱正月三十日二更時分有賊上屋用紙點火從馬棚下來拿住事主剝去衣褲用棍毆打鎗傷店主宋延龍之叔劫去銀兩靴帽紬疋等件那夜黑暗不知有幾個賊緝獲任審他纔知他是幾個等語其所失物件供報歷歷不爽揆此上盜情形失賊確數其爲大盜行劫也無疑矣惟盜數以獲盜審供爲憑今盜無一獲盜數尚難懸定查疎防職

名文職係睢寧縣典史谷承恩印官則係盧信鴻也總捕則係署本府通判軍捕事務山旰河務同知劉暄也知府不係同城職名例免開報武職崙汛係徐州營右軍把總齊可卿兼轄係副將侯奇也查龍家集離城三十里相應一併聲明逸盜嚴行睢寧縣勒緝務獲審招詳報擬合呈詳等情又准淮徐道關移疎防各職名前來等因到司准此該本司高按察使看得睢寧縣宋延龍店內過客陳虎於康熙二十八年正月三十日夜被盜一案緣陳虎原籍徐州自姑

蘇歸里隨僕小二路經該縣離城三十里之龍家集住宿延龍店內是夜二更強賊越房入院攜紙點火拿住事主剝去衣褲用棍毆打鎗刺延龍之叔搜劫銀兩靴帽紬疋等物奪門而出並未放火傷人黑暗之中未知賊夥確數而後入行劫情形洵爲大盜無疑比失主陳虎卽於次早回徐迨二月初五日具報盜劫並開失單投縣此案疎防文職係睢寧知縣盧信鴻典史谷承恩署淮安府軍捕事務本府山旰河務同知劉暄淮徐道僉事常君恩也武職崙汛係徐

州營右軍把總齊可卿兼轄係該營副將侯奇也理合詳明統候覈叅等因呈詳到臣該臣看得睢寧縣龍家集離城三十里歇店宋延龍家過客陳虎住宿於康熙二十八年正月三十日夜二更時分被盜越房進院各持棍鎗等械用紙點火捉拿事主陳虎剝去衣褲用棍毆打鎗刺延龍之叔俱未傷命劫去銀衣靴帽紬疋等物由門而出失主呈報地方各官轉報前總漕臣馬世濟隨經批行確查並開疎防各職名通詳報叅在案臣莅任接管又經批行催查去後

今據江蘇按察使高承爵詳稱此案盜賊因黑暗之中未知確數應俟獲盜審供爲憑而出入行劫情形洵爲大盜無疑所有疎防文職捕官係睢寧縣典史谷承恩印官係睢寧縣知縣盧信鴻總捕係署淮安府軍捕事本府山清盱眙河務同知劉暄兼轄則淮徐道僉事常君恩也疎防武職耑汛係徐州營右軍把總齊可卿兼轄乃徐營副將侯奇也除逸盜嚴行勒緝務獲外旣據該司呈詳前來臣謹會同江南江西總督臣傅臘塔江寧巡撫臣洪之傑江南提督臣

楊捷合詞

題叅伏乞

勅部議覆施行康熙二十八年五月二十二日

題

各題葉長春被盜限滿文武職名

題為欽奉

上諭事康熙二十八年五月初五日據江蘇按察司

按察使高承爵詳稱康熙二十七年六月初一

日奉署理總漕王部院牌開康熙二十七年五

月初七日准兵部咨職方清吏司案呈奉本部

送兵科抄出該本部彙題前事等因康熙二十

七年三月二十一日題本月二十三日奉

旨依議欽此欽遵抄部送司案呈到部擬合就行為

此合咨前去煩為欽遵查照施行計黏單一紙

內開一件爲碭邑官署等事據總漕慕天顏疏
稱碭山縣主簿葉長春官署於康熙二十六年
八月二十八日夜被盜將疎防各官題參前來
應將專汛把總徐澍照例任俸兼轄不同城副
將侯奇應罰俸六個月俱限一年緝賊如不獲
題參另處盜賊確數查明報部等因到部院准此
擬合就行仰司查照咨文部覆奉
旨內事理即便欽遵轉行將把總徐澍任俸副將侯
奇罰俸六個月俱限一年緝賊如不獲將應參
各職名開列通詳

題參先將盜賊確數查明報院以憑咨部毋遲等
因到司奉此遵行徐州並移淮徐道緝拿真盜
審招去後又奉署理總漕王部院牌開康熙二
十七年五月二十八日准吏部咨考功清吏司
案呈奉本部送吏科抄出該本部覆兵部咨前
事康熙二十七年五月初六日奉

旨田雯著於新任罰俸六個月餘依議欽此欽遵抄
部送司相應移咨前去欽遵施行計黏抄一紙
內開一件碭邑官署失盜等事據原任總漕慕
天顏疏稱碭山縣主簿葉長春官署於康熙二

十六年八月二十八日夜被盜將踈防革職典
史宋興等

題叅除碭山縣典史宋興已經別案革職無庸議
未獲賊犯交與接任官照案緝拿外知縣沈永
裕該督疏稱失事之日因公出境應照例免其
處分仍停陞勒限一年緝拿准徐道常君恩應
照例停陞罰俸六個月限一年緝拿等因到部
院准此擬合就行仰司查照咨文內事理即便
欽遵將知縣沈永裕限一年緝拿准徐道常君
恩罰俸六個月限一年緝拿如不獲將職名開

列通詳以憑會叅毋違等因到司奉此續蒙督
撫二部院檄行亦同前事到司奉此俱經轉行
勒緝真盜在案節次嚴催今一年之期已屆真
盜尚無一獲催據徐州營回稱查碭山縣主簿
葉長春官署於康熙二十六年八月二十八日
夜被盜一案蒙院具

題部覆奉

旨限年緝賊欽遵在卷今例限將屆行據蕭營守備
王遵典呈據防碭專汛把總徐澍報准碭山縣
移稱主簿葉長春案內逸賊勒捕密緝並無緝

獲等情移覆轉報前來查一年限內承緝崑汛
原叅職名則係蕭營防碭把總徐澍兼轄則係
本協侯奇也等情准此又據徐州詳稱行據碭
山縣回稱查得葉長春官署被盜一案係康熙
二十六年八月二十八日事也今一年限滿賊
無一獲除承緝捕官宋興已經別案革職外其
接緝捕官楊起元於康熙二十七年三月二十
八日到任照案緝拿承緝印官係卑職沈永裕
也等情到州該卑職查得碭邑主簿葉長春於
康熙二十六年八月二十八日夜被盜一案遵

飭該縣緝獲真盜招報去後屢經勒催一年已
滿而真盜未獲其承緝印官則碭山縣知縣沈
永裕捕官則革職典史宋興接緝捕官則見任
典史楊起元也查宋興於康熙二十七年三月
十七日卸事楊起元於康熙二十七年三月十
八日接緝合併聲明等情又准淮徐道移同前
事等因到司據此該本司高按察使查得碭山
縣主簿葉長春被盜一案奉院准咨行司限年
緝賊遵經移行淮徐道並徐州營縣緝盜審招
去後今一年之限已屆真盜仍無弋獲今於四

月二十日准淮徐道徐州營並據徐州開報無獲文武各職名前來查原叅武職承緝則係專汛把總徐澍兼轄副將侯奇也原叅文職則係碭山縣革職典史宋興印官乃碭山縣知縣沈永裕也查接緝見任典史楊起元於康熙二十七年三月十八日接緝其原叅兼轄則淮徐道僉事常君恩也理合開報聽候覈叅等因呈詳到臣該臣看得碭山縣主簿葉長春官署被盜一案疎防文武各官經前總漕臣慕天顏具疏題叅部覆專汛把總徐澍照例住俸兼轄副將侯

奇罰俸六個月知縣沈永裕停陞淮徐道常君恩罰俸六個月俱限一年緝賊如不獲

題叅另處等因奉

旨依議欽遵轉行在案今據江蘇按察使高承爵詳稱此案一年限滿盜賊無獲所有原叅文職捕官係碭山縣別案革職離任典史宋興印官係該縣知縣沈永裕兼轄乃淮徐道僉事常君恩也武職專汛係蕭營把總徐澍兼轄則徐州營副將侯奇也見任典史楊起元係接緝之官合併聲明既據該司呈詳前來臣謹會同江南江

西總督臣傅臘塔江寧巡撫臣洪之傑江南提督臣楊捷合詞

題參伏乞

勅部議覆施行康熙二十八年五月二十六日

題

題孫加禎被盜限滿武職

題爲欽奉

上諭事康熙二十八年五月初八日據江蘇按察司按察使高承爵詳稱康熙二十七年五月二十日奉前署總漕王部院牌前事內開康熙二十七年五月初七日准兵部咨職方清吏司案呈奉本部送兵科抄出該本部彙題前事等因康熙二十七年二月二十一日題本月二十四日奉

旨劉國軒著罰俸九個月餘依議欽此欽遵抄部送

督漕疏草 卷之二
司案呈到部擬合就行爲此合咨前去欽遵查照施行計黏抄一紙內開一件爲欽奉

上諭事據總漕慕疏稱睢寧縣居民孫加禎家被盜一案獲盜任起龍等審非真盜限滿無獲將原參各官

題參前來應將專汛把總齊可卿照例降一級調用查把總無級可降應革職留任再限一年緝拿如不獲

題參另處兼轄副將任世祿已經別案降調應照離任官例於補官日罰俸一年遊擊張道瑞副

將侯奇係接緝之員均毋容議再查此案夥盜確數先經本部行文該督查明報部續據該督咨稱同夥九人拿獲任起龍等五名賊真主認等語今該督疏內又稱獲盜任起龍等五名咸稱誣拿按察司親鞫誣拿情真等語揆此顯係誣良爲盜應仍行該督將該管各官誣良之處嚴查明確

題參等因到部院准此擬合就行仰司即便欽遵轉行把總齊可卿再限一年緝拿如不獲將應參職名通報會

題仍先將該管各官誣良之處查明通詳以憑
題叅等因奉此遵卽轉行淮安府恪遵部咨嚴督
應捕員役上緊緝拿真賊一面查取誣良各職
名去後催據該府將誣拿各職名詳報前來業
經覈詳各院

題叅部覆奉

旨依議欽遵在案今據該府呈稱此案真盜嚴行緝
拿並無弋獲等情呈覆到司據此又於四月二
十八日准淮徐道關開睢寧縣居民孫加禎家
被盜一案一年之限又滿未據報獲一盜所有

原叅專汛把總齊可卿職名相應移送至兼轄
降調副將任世祿已奉部議於補官日罰俸一
年遊擊張道瑞副將侯奇亦奉部議係接緝之
員等因到司准此該本司高按察使查得睢寧
縣民孫加禎家失盜一案奉院准咨限年緝拿
催准淮徐道查覆前來查兼轄降調副將任世
祿先奉部議於補官日罰俸一年遊擊張道瑞
見任副將侯奇亦先奉部議係接緝之員均無
容議等因在案所有原叅專汛把總齊可卿再
限一年無獲職名相應開報聽候會移

題叅等因呈詳到臣該臣看得睢寧縣居民孫加
禎家被盜一案一年限滿真盜無獲承緝各官
經前總漕臣慕天顏具疏

題叅部覆專汛把總齊可卿照例降一級調用查
把總無級可降應革職留任再限一年緝獲如
不獲

題叅另處兼轄副將任世祿已經別案降調應照
離任官例於補官日罰俸一年遊擊張道瑞副
將侯奇係接緝之官均毋容議將該管各官誣
良之處嚴查明確

題叅等因奉

旨依議欽遵轉行在案今據江蘇按察使高承爵詳
稱此案誣良各官業經詳叅外再限一年之限
已滿真盜並無弋獲所有原叅專汛係徐州營
把總齊可卿兼轄調用副將任世祿部議應於
補官日罰俸一年遊擊張道瑞見任徐州營副
將侯奇俱係接緝之官合併聲明既據該司呈
詳前來臣謹會同江南江西總督臣傅臘塔江
寧巡撫臣洪之傑江南提督臣楊捷合詞

題叅伏乞

勅部議覆施行康熙二十八年五月二十六日

題 奏 以 蘇 州 府 之 蘇 州 府 南 興 營 司 馬 謝 崇 合 歸

著 前 來 司 馬 謝 崇 會 同 正 南 正 西 蘇 州 府 司 馬 謝 崇 等 以

謝 崇 等 謝 崇 謝 崇 謝 崇 謝 崇 謝 崇 謝 崇 謝 崇 謝 崇

謝 崇 謝 崇 謝 崇 謝 崇 謝 崇 謝 崇 謝 崇 謝 崇

謝 崇 謝 崇 謝 崇 謝 崇 謝 崇 謝 崇 謝 崇 謝 崇

謝 崇 謝 崇 謝 崇 謝 崇 謝 崇 謝 崇 謝 崇 謝 崇

謝 崇 謝 崇 謝 崇 謝 崇 謝 崇 謝 崇 謝 崇 謝 崇

謝 崇 謝 崇 謝 崇 謝 崇 謝 崇 謝 崇 謝 崇 謝 崇

謝 崇 謝 崇 謝 崇 謝 崇 謝 崇 謝 崇 謝 崇 謝 崇

題開復江淮衛全完運弁

題為漕糧已經盡數過淮謹特疏

題明仰祈

睿鑒事據江安糧道叅政周訓成詳稱案奉前任總

漕馬部院牌開康熙二十七年十二月十一日

准兵部咨開武選清吏司案呈奉本部送准吏

部咨稱會議得戶部咨稱總漕馬世濟疏稱蘇

松等府康熙二十七年起運二十六年分船糧

過淮違限將署蘇松糧道事淮安府知府單務

孜等

題叅應交與吏兵二部議處等因前來查鳳陽中衛常州幫係興武衛二幫借委運官鮑昇違限十一日揚州衛頭幫運官錢彪違限十六日廬州衛三幫運官郝拱壁滁州衛蘇州幫運官陸萬鍾俱違限十七日長淮衛頭幫運官吳大榮泗州衛前幫係長淮衛兼攝運官吳大榮俱違限二十四日鳳陽衛常州幫運官黃威克違限二十五日淮安衛五幫運官黃宏違限二十六日伊等均應照例令總漕各綱打二十興武衛五幫運官胡嘉猷六幫運官張惟一江淮衛頭

幫運官傅兆楫二幫運官張光燾俱違限三十日儀真衛運官張烈亨違限三十三日蘇州衛前幫運官王應龍後幫運官蔡廷弼俱違限三十五日淮安衛頭幫運官徐光國二幫運官錢養民大河衛三幫運官黃閣俱違限三十八日廬州衛二幫運官張景載違限四十六日鎮海衛前幫運官鮑昇後幫運官王朝佐俱違限四十七日太倉衛前幫運官張煥太倉衛前幫兼攝後幫運官張煥江淮衛四幫運官梁麟俱違限四十八日興武衛三幫運官尹亮采四幫運

官丘登岱七幫運官鄭國相八幫運官焦廉俱
違限四十九日金山衛運官熊紳違限五十日
江淮衛八幫運官畢慶違限五十六日五幫運
官李從諫違限兩個月零三日七幫運官林花
開違限兩個月零九日伊等均照例令總漕各
綱打四十革職戴罪督押此內張景載熊紳俱
係外委之員應行令總漕各綱打四十斥逐再
張惟一臣部冊內係江淮衛頭幫千總今開興
武衛六幫千總其幫次舛錯之處行令總漕查
明報部可也等因康熙二十七年十月二十一

日題本月二十四日奉

旨依議欽此欽遵抄部送司奉此案呈到部擬合就
行爲此合咨貴部院煩爲欽遵查照施行等因
移咨到部院准此擬合就行仰道查照來牌並
准部覆奉

旨內事理卽將違限各弁遵照部文分別發落仍具
文報查其張惟一係江淮衛頭幫千總今開興
武衛六幫千總幫次舛錯之處查明報部一併
具文詳報以憑咨覆毋違等因到道奉此遵卽
轉行各衛提解去後今據江興二衛呈稱該卑

職查得運官林花開尹亮采等過淮違限緣由
奈因河道淺阻致罹叅罰但本年分漕糧俱已
全完掣獲完呈見在呈驗今據前情相應呈解
等情呈解並送完呈到道據此又據淮大儀三
衛呈稱該卑衛查得領運康熙二十六年分漕
糧已經赴北交納全完但幫疲軍窮今該弁領
運全完實見留心整理其過淮違限實因沿途
水淺不敢越幫前進並非玩悞可比且原領全
單幫牌並掣獲大糧蓆木完呈於去年十二月
內投繳總漕部院案下令將該弁申解各等情

呈解到道據此除江淮衛頭幫運官傅兆楫病
故外該本道查得江淮衛頭幫借運興武衛六
幫運官張惟一 二幫運官張光燾 四幫運官梁
麟 五幫運官李從諫 七幫運官林花開 八幫運
官畢慶典 武衛三幫運官尹亮采 四幫運官丘
登岱 五幫運官胡嘉猷 八幫運官焦廉 淮安衛
頭幫運官徐光國 大河衛三幫運官黃閣儀 真
衛運官張烈亨 十三員領運康熙二十七年起
運二十六年分漕糧過淮違限部覆奉

旨網打四十革職戴罪督押欽遵在案今運官張惟

一尹亮采等遵奉部行逐一照數發落但各弁領運漕糧已經交納全完掣有完呈回衛似與中樞政考糧完開復之例相符合無詳請院臺俯將江淮興武淮安大河儀真五衛運官張惟一張光燾梁麟李從諫林花開畢慶尹亮采丘登岱胡嘉猷焦廉徐光國黃閣張烈亨十三員原叅革職戴罪督押之案恩賜援例具入請開復等因蒙批部查張惟一係江淮衛頭幫今開興武六幫幫次舛錯查明報部今詳內止稱借運二字未將借運緣由逐細聲明不便具

題仰再逐一查明另詳覈奪繳等因批行到道奉此案照先奉前部院行同前事本道遵查興武衛六幫額設千總二員內趙儀領運康熙二十四年分漕糧謝斌領運康熙二十五年分漕糧赴北俱未回衛迨至康熙二十六年分新運缺員詳將江淮衛頭幫千總張惟一借運興武衛六幫新漕業奉前部院批准填單赴北交納在案緣係借補之弁致有幫次不符已經詳明咨部在案合併聲明等因到臣除運弁張惟一幫次不符緣由先據江安糧道呈詳已經咨明兵

部外該臣看得江淮衛頭幫借運興武衛六幫
運官張惟一等領運蘇松等府康熙二十七年
起運二十六年分船糧過淮違限部議照例細
打革職戴罪督押經前總漕臣馬世濟檄行江
安糧道遵照去後今據該糧道叅政周訓成詳
稱各弁逐一照數發落領運漕糧已經交納全
完掣有完呈回衛所有江淮興武淮安大河儀
真五衛運官張惟一張光燾梁麟李從諫林花
開畢慶尹亮采丘登岱胡嘉猷焦廉徐光國黃
閣張烈亨等一十三員原叅革職戴罪督押之

案詳請開復前來臣謹具

題伏乞

勅部議覆施行康熙二十八年五月二十六日
題

夫
外
子
五
其

